

四庫全書

史部

欽定四庫全書

史部

硃批諭旨卷六十五至

臣永瑢恭校

編修臣表謙覆勘

總校官中書_臣朱鈐

校對官中書_臣高中

謄錄監生_臣王爾熙

欽定四庫全書

硃批諭旨卷六十一

硃批汪澂奏摺

雍正四年二月二十四日廣西巡撫臣汪澂謹

奏為遵

旨查覆事竊臣於雍正三年十月二十七日赴

圓明園謝

恩蒙

皇上召至勤政殿

訓諭地方事宜又蒙

諭臣到廣西訪左江總兵官梁永禧居官如何據實具

奏欽此欽遵臣到任後因左江總兵官駐劄南寧府

與桂林省城相距甚遠臣密加訪察梁永禧辦理

營務尚去得在地方亦不多事臣謹據實具

奏伏惟我

皇上至聖至明無遠不燭凡臣下賢否之分難逃

日月之照臣履任日淺耳目未周不勝惶懼之至仰祈
皇上睿鑒謹

奏

既云履任日淺耳目未周則辦理營伍去得在地方亦
不多事之奏亦屬荒唐南寧至桂林不過數日之程即
以為相距甚遠京城去粵西數千里之遙而謂朕之聖
明無遠不燭其賢否之分難逃日月之照云云何不體
情理一至於此耶爾初次奏摺即如此依違瞻顧居心

不純已見一斑殊大失朕之所望封疆大吏既受國家
知遇之恩當思竭力盡命之義切忌柔佞巧詐獨善已
身而不乃心國計朕披閱所奏甚憂汝不克勝此任也
勉力為之書生章句虛文非此任所需之物苟不以實
心行實政秉公甄別賢否據實入告動輒瞻前顧後持
首鼠兩端之見以圖自便則大負朕任用之意矣勉之
慎之

雍正四年五月二十五日廣西巡撫臣汪滌謹

奏恭請

皇上萬安

朕安捐穀之奏交部議行摺留中候部文行知

同日又

奏為恭報雨水米價事竊粵西春雨連綿已資耕種
入夏晴雨相間五月初農家栽插正殷尤望時雨
喜初四夜至初六日甘霖大沛各屬俱報霑足栽
插適宜農人僉云雨澤應時可望豐年再米價二

三月間倉斗每石七錢嗣因廣東販糴頗多致廣
西之沿河府州縣米價漸長梧州因接近廣東商
販絡繹其價尤貴現今桂林府米價九錢平樂潯
州南寧柳州等府米價八錢四五分不等梧州府
米價一兩四錢當茲青黃不接之時米價日長捐
穀存七糶三現奉

俞旨臣已令各屬平糶以裕民食至粵西麥已成熟但
種麥之處甚少我

皇上軫念民瘼遐方赤子時廕
聖心所有雨水米價謹繕摺奏

聞臣謹

奏

天下一家何分彼此隣省遇糴之舉當知斷不可行

同日又

奏為叩謝

天恩事臣齎摺人回捧到臣查

奏梁永禧一摺恭奉

硃批飭戒臣跪讀之下戰慄汗流置身無地愚闇冒昧
罪不容逭蒙

皇上恩賜矜全不即罷斥復荷

硃批諄諄訓勉即祖父之教子孫師長之訓弟子不能
如是臣恭繹再三涕零感激惟有時凜

聖訓實心以行實政秉公以別賢否屏絕虛文黽勉盡
職以期無負

皇上任用之至意并稍贖罪愆於萬一耳謹繕摺恭謝
天恩臣謹

奏

天下類此者頗多皆緣私心未融識見不高舉步即履
此取愧之途也公之一字最為切要時當自省

雍正四年六月十六日廣西巡撫臣汪瀝謹

奏為恭謝

天恩事竊臣奉

旨調補江西巡撫業經恭疏叩謝

天恩伏念臣賦質駑鈍毫無才識叨沐

皇上特達之知畀以巡撫重任受事半載未效寸長臣

前遵

旨查梁永禧居官之處冒昧具

奏罪不容逭

皇上恩賜矜全不即罷斥

殊批諭飭

訓勉諄諄臣頂戴

洪恩日夜恐懼勉盡職守猶慮隕越重墮

聖懷今調補江西巡撫聞

命自天感

恩無地雖捐糜頂踵難報

殊恩於萬一臣謹於六月十七日起行馳赴南昌所有

廣西事務另摺具

奏為此繕摺恭謝

天恩臣謹

奏

勉之母沽虛名母做假好官振起精神勉勵造就成一
人物方不負朕之委用也

同日又

奏為奏明出糶捐穀事竊臣前因廣東米價騰貴商
販絡繹於廣西搬運甚多致瀕河郡縣米價日長
而梧州府尤甚是以摺

奏捐穀存七糶三蒙

皇上恩允已飭各屬開倉照時價出糶其初民間價平
每石自三錢以至四錢二三分不等後漸增長若
倉穀亦照市價加增恐兵民皆憂米貴食用艱難
臣仰體

皇上愛育羣黎之意飭各屬仍照初糶價值不許隨市
價增長并不得賣多報少雖陳穀碾米視新穀畧
少然價平易糶糴殫有賴兵民莫不歡欣共戴

皇仁合計桂梧南柳四府捐穀已糶過十六萬五千石
零俟新穀登場停止又平潯二府亦照例存七糶
三應於秋收後買補還倉以符部議價有贏餘若
干仍歸解部項下統俟新撫臣甘汝來接任料理
緣係臣任內事務理合

奏明仰祈

皇上睿鑒臣謹

奏

甘汝來接任料理諒應妥協不至差謬也

同日又

奏為敬舉廉能縣令事竊臣受事廣西細訪屬員有
平樂府平樂縣知縣吳元鈺持躬清廉辦事練達
催科有法又實心撫字民切愛戴賓州上林縣知
縣栢弘智才具勤敏於徭獍仇殺案件剖理審結
勸懲得宜愚頑知警以上二員上年

計典內督臣孔毓珣前撫臣李紱俱經附薦茲臣察

其居官果係廉能著有實績不敢壅於上

聞謹繕摺具

奏仰祈

皇上睿鑒臣謹

奏

知道了但汝此奏不過循孔毓珣李紱之軌轍耳大凡他人之指使萬不可從究須自立主見方好

同日又

奏為奏明拏獲礦徒事竊梧州府屬蒼梧縣有芋莢
山其地接連廣東為開建賀縣蒼梧三縣分轄之
區峻嶺窮崖徑路歧出近有廣東饑民同蒼梧賀
縣愚民潛往此山偷挖礦砂臣隨飭蒼梧縣協同
武弁嚴拏驅逐昨據蒼梧縣稟報已經拏獲二十
九人懲治竊思此輩不過乏食窮民妄希覓利餬
口但恐蟻聚無常貽害地方臣曾經咨商督臣孔
毓珣提臣韓良輔嚴飭員弁勤加防禦相應

奏明仰祈

皇上睿鑒臣謹

奏

既知係乏食窮民即當籌畫其食使至不乏斯地方安寧矣何須防禦然未聞善良百姓偶因乏食遂敢為非也類此等語悉屬迂見

雍正四年八月初一日江西巡撫臣汪瀝謹

奏為奏

聞事竊臣蒙

皇上洪恩調補江西巡撫於七月十三日到任受事旬
餘適逢科場監臨所有地方一切應行事宜容臣
體訪確實次第另摺奏

聞查江西省米價入春來較之往歲似覺稍昂仰賴
皇上福庇五六月間雨水調勻臣到任正當早稻登場
訪察各屬收成分數據報南昌等十三府收成約
有八九十分不等俱屬豐收又據南昌瑞州袁州

臨江撫州廣信饒州南康九江南安等十府報到
米價每倉石自八錢七八分至九錢四五分一兩
不等惟吉安建昌贛州三府米價自一兩一二錢
至一兩三四錢不等以界聯閩廣買米者多是以
價值稍昂但早稻既獲豐收價亦漸減交秋以來
各屬雨水霑足晚禾暢茂間有近於江湖低窪之
處畧被水淹者水退種烏禾雜糧可望收穫民生
有賴共樂昇平

臣謹

奏

覽所奏收穫并米價情形深慰朕懷

同日又

奏為恭繳

硃批奏摺事雍正四年七月二十八日臣齋摺人回至

江西捧到

御批奏摺理合恭繳所有臣前任廣西委員監收潯州
稅務臣愚昧不明誤用右江道喬于瀛臣獲罪實

深荷蒙

皇上天恩

殊批訓示臣不勝戰慄惶悚之至臣謹

奏

所奏知道了用人何能保無錯悞但若有心徇私則雖
戰慄惶悚亦復何益

同日又

奏為欽奉

上諭事臣蒙

皇上天恩調任江西巡撫於到任後查前撫臣裴率度
任內接准部咨內開欽奉

上諭著將江西存倉之穀碾米十五萬石動用腳價遴
委能員即速運至閩省交界地方先期知會閩省督
撫委員領去分給各地方以濟民食等因欽此經前
撫臣轉行欽遵在案臣體

皇仁遵即道查江閩交界地方嚴檄就近碾米委員速

行運送已於七月十八等日將南昌等三府現在碾就米二萬石先行押運經臣具疏

題報仍飭該管知府陸續隨碾隨運正嚴檄飛催間旋於七月二十四日接准到福建撫臣毛文銓咨文內開閩省各屬六月以後雨澤及時早稻登場晚禾無不布種民心大定米價漸平此項奉發之米似可從容緩運現在從長計議具摺請

旨遵行除已碾者聽先期知會領運外所有未碾者希

即暫停恭候

硃批至日另行知會撥運施行等因移咨到臣是福建
六月下旬以後雨澤及時米價漸平閩省之民仰
賴

皇上洪恩漸次可以樂享豐年而

皇上宵旰憂勤

宸衷亦可稍舒矣此項碾運米石可否暫停緩運理合

繕摺請

旨伏候

皇上批示遵行至所有已經碾成米石現在仍檄令委

員陸續押運合併聲明臣謹

奏

已另有旨諭該部矣

雍正四年九月十八日江西巡撫臣汪瀝謹

奏為陳明江省被水情形事竊江西八月初旬以來

霖雨連綿至八月十五六等日山水湊集江湖泛

漲一時不能消洩以致省會之南昌新建進賢豐城德化龍南並建昌清江等八縣各低窪田未被水淹沒居民房屋間遭傾圮龍南一縣倉穀亦被浸濕經臣先後

題報在案併即飛查南昌省會向有府道公捐節備倉一項並臣倡率司道公捐銀兩分發各縣令地方官親往確查田畝成災及倒塌房屋實在被災窮民先行按戶賑恤撫慰得所現在民情安帖至

查南昌等八縣被水地方原係濱江帶湖低窪之地故易為災其高阜之地晚禾俱各無恙惟是南昌新建二縣係江西省會進賢豐城亦與省會不遠因有被災百姓紛紛赴臣衙門呈請宜禁閘廣兩省搬運米石雖經臣撫慰去後然未雨綢繆所當仰體

聖衷周詳籌畫臣已另摺

奏請

旨茲將被水情形據實奏

聞臣謹

奏

覽奏已悉另奏一摺現發部議

同日又

奏為請

旨事竊查臣屬南昌府寧州知州李化龍於本年四月
內到任接受前任劉世豪那缺流抵倉庫銀米未

清因南昌知府張景偉力為擔承立有印約定限
雍正五年奏銷前如數清完該牧業經出結接受
在案今於九月十二日據該牧將接受銀米未清
前情據實自首通報到臣併申報

欽差部臣邁柱前任撫臣裴率度均請清理隨據布按
二司及糧道等會同揭報前情同日又准裴率度
咨同前由令臣會疏題叅臣思州縣錢糧豈容那
混該知府張景偉顯有勒令交代情弊例應糾叅

但細繹原奉

上諭命部臣邁柱來江清理是此案似應會疏經臣備
文咨商旋准邁柱咨覆內開查本部奉

命來江專為徹底審究德安武寧等縣各虧空捏稱民
欠併闔省交代未清上司抑勒出結等案今李化
龍自首之案正本部奉

旨同藩臬二司竭力清查案內之事現在會同清查審
理本部不便逐案具題俟闔省此類案件盡行審

理清楚具題之日再行咨達等因到臣是寧州銀米未清之案臣應聽候

欽命部臣邁柱將闔省似此類案件盡行清楚具

題完結但臣本愚鈍恐蹈欺隱之愆可否聽臣糾叅抑或統聽邁柱徹底查察清楚完日一併彙

題臣謹摺請

旨伏候

皇上批示遵行臣謹

奏

自應聽候邁柱於徹底清查案內完結何必重複具題
雍正四年九月二十八日江西巡撫臣汪滢謹
奏為欽奉

上諭事竊查江西省因廖科齡虧空一案蕭彬互揭知
府李熙驛鹽道孫蘭必一案

皇上特命部臣邁柱來江審理並令前任撫臣裴率度
留江將從前一切流抵民欠陳奏清楚仰見我

皇上明並日月國計民生均有裨益惟臣以履任之初
事關通省錢糧雖已

欽命部臣清理而身任封疆刑名錢穀實為總匯臣於
監臨撤闡後業已嚴加核査并分檄飭行各屬將
從前一切交代有無抑勒接受未清之項令各州
縣自行首出外仍將臣衙門原存前撫臣裴率度
任內一切交代案卷徹底稽查經臣現在查出並
據各知府報到者有南昌府屬之寧州豐城建昌

府屬之南城南豐臨江府屬之新淦新喻贛州府屬之興國共一州六縣除寧州那缺緣由臣前經具摺

奏明外所有豐城等六縣各以民欠交代流抵接受前任認徵之項可否聽臣逐案叅出審追抑或仍欽遵

上諭聽部臣邁柱同前任撫臣一一陳奏清楚臣未敢擅便伏乞

皇上批示遵行再臣查前候補知府王景望條陳抑勒交盤者州縣直揭部科經部議嗣後州縣交代除實在民欠外其有已徵在官之錢糧侵蝕虧空捏稱民欠令接任官接受者接任官即行揭報部科等因移咨到臣臣細繹部丈條單指侵蝕虧空捏稱民欠者言其有實在未完民欠州縣因畏奏銷時未完之處分輒那動存庫銀兩將前項未完民欠先行墊解奏銷時即將前項民欠報作完數冀

欲於次年徵完前項民欠以抵那動存庫之項及
至解任交代上司往往以實有民欠可抵輒勒令
新任官接徵此等民欠將來作何處分督撫應作
何畫一辦理部內並未議及伏乞

皇上敕部一併議覆施行臣謹

奏

交與邁柱者自應邁柱辦理其未議及者汝為巡撫乃
一省綱領莫非責任內應辦之事又何庸敕部議覆耶

雍正四年十月二十九日江西巡撫臣汪滌謹

奏為請動常平倉穀石借給災民以廣

皇仁事竊臣屬今歲八月內秋雨過多一時山水陡發
江湖泛溢致南昌等十一縣被水情形經臣先後
題報除龍南永新二縣勘不成災外將南昌新建等
九縣查勘成災分數造冊

題免在案所有應行賑恤之處臣仰體

皇仁業將省城公捐節備倉餘存穀價并臣倡率司道

公捐銀兩發給各縣先行按戶賑恤訖隨經臣查
節備倉實貯穀一萬七千餘石均令開倉分發各
縣碾米煮粥賑濟俱於十一月內開賑至次年正
月止所用煮粥柴薪人工器皿等費俱於存公銀
兩內給發並不動支倉庫正項無庸

題銷現在臣已隨宜料理民心安定可不至上廛

聖衷矣惟是被水人民凡八九十分成災者今歲晚禾
無收則明年春夏耕種無資勢必至荒蕪田畝臣

仰體

皇上軫念元元至意請將被水各縣存貯常平倉穀石
於雍正五年春初借給實在被水人民為春夏耕
耘之資令地方官查造花名清冊取具借領至秋
成豐收後還倉是否可行出自

洪恩伏乞

皇上特頒諭旨令臣遵行以布

皇仁臣謹

奏

督撫大吏代朕宣猷布化責任綦重簡用失人乃朕之大過地方水旱成災事所必有此

天理之當然者也

欽定四庫全書

成化諸旨
卷六十一

二十二

硃批諭旨卷六十一

欽定四庫全書

硃批諭旨卷六十二

硃批甘汝來奏摺

雍正四年七月初三日廣西巡撫臣甘汝來謹

奏為奏

聞事竊臣以謏劣庸材荷蒙

皇上畀以封疆重寄朝夕冰兢惟力圖綏靖地方以仰

副

皇上委用之殊恩廣西幅員遼濶土司犇獐雜處過半
撫綏事宜尚在次第斟酌仰請

聖訓敕行查廣西九府二州屬仰賴

皇上深仁翔洽感名

天和今春雨水調勻雜糧盡皆豐稔早禾先後登場俱獲

深慰朕懷

有秋但因四五兩月廣東米穀騰貴潯梧一帶商

朕已先聞

但萬不可遏糴販搬運以致米價日昂窮民艱食攔阻穀船經飭

地方官區處得宜隨即安靜獨廣東開建地方界

連廣西梧州四月內窮民呼羣引類潛入蒼梧之
芋莢山偷挖礦砂經兩省弁員分頭堵逐漸次解
應再四籌畫久安長治之策毋貽後患於地方
散臣現在咨商督提鎮臣圖維善後之策將來地
方自獲寧謐矣抑臣更有請者臣蒙

聖恩簡畀巡撫凡有陳奏之事俱關

國計民生臣雖敬謹密封但恐長途齎捧或有意外

之虞伏懇

已有旨頒賜爾矣俟爾人來給發
皇上賞賜內製摺匣令臣得以封鎖

奏達庶堅固謹密而臣得免隕越之懼為此繕摺奏聞謹

奏

知道了

雍正五年四月二十日署理廣西巡撫印務都察院左副都御史臣甘汝來謹

奏為奏明事竊廣西人民種類不一兇頑獷悍由來已久臣蒙

聖恩超擢廣西巡撫在任四月力圖漸次整頓旋因趨
覲

闕廷時得面聆

聖誨臣雖顛蒙無似心胸自覺漸開茲復欽遵

諭旨署理巡撫印務受事之日接准撫臣韓良輔移交
案卷有上林之恩吉鎮韋兆彪等與土舍莫元紹
爭奪土舍焚村距鎮業經韓良輔據報前後檄飭
驅拏審究在案餘黨雖已驅逐首惡監禁審擬然

此輩凶惡不悛尋仇伺釁終未解散臣一面備查
始末檄行布按二司會議作何區畫始能善後不
敢苟且目前仍貽他日之患其經理事宜容俟定
議妥協另行

奏報伏乞

皇上睿鑒為此具摺奏

聞謹

奏

好惟在實力奉行不在章奏空言也

雍正五年六月二十四日署理廣西巡撫印務都察院左副都御史臣甘汝來謹

奏為請

旨事竊照羅文剛等一案欽奉

諭旨擒拏先經撫臣韓良輔將羅文剛投到日期繕疏題報臣接署以來據報陸續全獲案內人犯前後解省隨經據詳

題報昨閱邸抄見撫臣韓良輔題報羅文剛之疏奉
旨該部知道欽此未蒙

聖諭作何發審臣愚昧無知無所遵循謹摺請

旨伏懇

皇上或差部院大人來粵審理抑或

敕令兩廣督臣就近審擬伏乞

皇上批示遵行謹

奏

已有旨矣

思明州地方就近歸併同知管轄一摺已交該部議奏

同日又

奏為奏

聞事竊臣准雲貴督臣鄂爾泰廣西撫臣韓良輔咨移
內開本年六月初八日據泗城土府知府岑映宸
自知罪莫能逭所管地方遼濶不能約束目民跪
繳印信號紙呈懇改流存祀現在委員編查戶口

清理錢糧會議具

題并咨稱改流設官清查戶口以及設立營汛派撥
遊守等官駐防稽查清理黔粵兩省分界事情緣
邊地重務正需文武大員協同料理彈壓行調各
標協遊守千把各官共帶兵一千名馳赴百色地
方駐劄聽左江鎮臣調度等語臣接准咨移即撥
臣標千總何斌帶兵一百名星馳前赴其在事各
兵糧餉俱已預先料理妥協委員先行督運矣理

合據咨

奏報伏祈

皇上睿鑒為此繕摺奏

聞謹

奏

據奏撫標為何僅撥兵一百名其一切糧餉當竭力詳
慎料理毋忽

同日又

奏為恭報雨水米價情形仰祈

睿鑒事竊臣查廣西九府二直隸州屬五六兩月雨水過多然近水之田幸無淹浸高田則又相宜故現在禾苗茂盛豐熟可期查各屬早禾俱有於六月內收割者但此項栽種者甚少其次則於八月登場最遲者則在十月收穫始畢是以近日米價止有梧鬱二府屬較前甚平桂林省會居民稠密米價稍貴藉有官穀減價平糶始無缺食之虞南太

兩府兵民錯處米價較別府為稍貴然均賴糴三
之穀接濟兵民俱各無憂臣仰體

皇上惠養斯民重農積粟之至意每當積雨連日臣為

未必

之寢食不寧附省鄉村必遍委員弁往查詢據農
廣西田土積雨方有收穫此等繁文徒費筆墨何益
民回稱禾稼無損寢食稍安所有五六兩月米價

另繕清摺

奏報伏乞

睿鑒謹

奏

廣西米價從來未聞如此昂貴一切事宜亟當悉心預
為籌畫

同日又

奏為仰體

聖心欽恤民命請定緩決限年減等之例以廣
仁之一字如何可以私意廣得况緩決之犯並非矜免
皇仁事欽惟我
之人如何可以限年減等如應減等發落者又何必定
皇上

限數年令其淹禁圉圉此等意見朕不解是何仁政
德合乾坤

明同日月凡居

昆蟲草木咸被

覆載照臨之下昆蟲草木無不咸被

上

蒼生尤

與朕何涉但獲罪於天之昆蟲草木應受天譴

甘汝來

未必得知耳朕代

念刑獄

關係民命每有獄決詳慎哀矜復熟審減等之

天理物

豈可以私恩釣仁慈之譽濫釋獲罪於天之姦盜

天

重犯

及朋黨之徒耶朕不敢為也

恩屢

朕但知此十字為恤刑之要不解泣罪解

諭內外司刑諸臣

虛公平允不使少有枉濫雖泣罪解

諭內外司刑諸臣

虛公平允不使少有枉濫雖泣罪解

諭內外司刑諸臣

虛公平允不使少有枉濫雖泣罪解

八

網之仁

此乃甘汝來謗朕也

網之仁未有如

今日者也臣查各省秋審緩決人犯多至數十案少

亦不下十餘案一擬

何由知之

緩決終無歸結之日年深日

久羈禁

此即解網之仁政也

圖不致瘐斃不已即如廣西今年秋審

亦有九案經臣審擬會

題內有一起稟報事案犯農几咸等糾黨占村報讐

誤殺官兵擬斬者共二十四名除首犯農几咸病

故韋光祥等五人已經正法其餘一十八名先後

獲免刀斧之慘足矣尚欲如何

陸續病故者九人本年秋審只有黃老三等九名

事歷一十四年秋審經十一次終年監禁一屆審

期自太平府起解來省往返六千里沿途護解員

員役之辛

苦較汝案牘之勞

何如

何必瀆陳係不言

役備極困擾廣西如此他省更多臣伏查定例康

而知者

熙四十五年十月內刑部欽奉

上諭京城直隸各省緩決人犯除一二年不議外至三年

者總屬不決何必只管監禁嗣後應減等發落爾等會

議具奏續經部會議覆奏通行在案

聖

從來罕有之特恩四十五年舉行一次之事何可即為祖仁皇帝如天好生實從古未有之

特

常例恩也我

朕若止繼此一年之政則不能述六十一年之政矣朕皇上善繼善述時時體

聖

亦不知當如何遵行方能善繼善述甘汝來明白回奏祖之心事事協

聖

祖之治乞沛

朕不知所從不敢輕率敕下法司候汝奏到恩綸敕法司將本年各省緩決人犯酌核情罪摘其監

候多年者從寬減等發落嗣後定以三年五年之

限至期仍擬緩決者悉予減等永著為例不惟罪

囚不致終斃獄底亦可使囹圄一清各省無案牘
之煩普天率土億萬斯年皆在

通篇胡說之極

皇仁浩蕩之中矣是否有當伏乞

皇上睿鑒謹

奏

此事朕原蓄有或可酌行之念近被汝等科甲朋黨之
流交章瀆奏啟朕疑懷想汝等必有私為一二人在內
故爾擾亂國是今立意不舉行矣

雍正五年九月初七日都察院左副都御史臣甘

汝來謹

奏恭請

皇上聖安

雨露施於君子風霆加於小人姦邪不悛朋黨不解風
霆竟不便停止奈何卿等其諒之

雍正五年九月十九日都察院左副都御史臣甘

汝來謹

奏為奏

聞事竊查天河縣監犯莫東旺於雍正四年十一月十八日糾集蠻獍刦獄脫逃隨經撫臣韓良輔奏明臣抵署任後嚴飭該管文武設法擒拏務獲並懸重賞買線購緝仰賴

天威於本年七月初七日據慶遠府知府徐嘉賓詳稱莫東旺一案飭經署縣陳舜明協同員弁駐劄賊巢分佈搜擒先獲其子莫朝順供出夥黨窩藏住

址於六月二十八日在長峒地方拏獲莫東旺并
前獲之黨羽韋扶講莫文光等經臣批飭臬司究
審現在審解到省招解撫臣韓良輔審結所有臣
署任內先據詳報拏獲日期理合奏

聞為此謹

奏

覽

若不如是李紱甘汝來欲免失職之誅不可得也

同日又

奏為遵

旨明白回奏事竊臣至愚極陋屢荷

聖恩由知府游陞巡撫去冬入

覲又蒙

擢補左副都御史方且日夕冰兢冀圖報稱不謂質本

疎庸愆尤日積蒙

皇上格外施恩優容教誨仍

命署理廣西巡撫印務臣雖肝腦塗地亦不足仰酬萬
一比因秋審之期臣親加詳讞見積年罪犯得荷
皇仁矜恤詳慎屢

勅監候緩決臣因待罪法司刑名乃臣職守仰體
聖慈妄陳管見蒙

皇上硃批嚴切跪讀之下如夢初覺無地自容仍荷

聖恩不即加罪令臣明白回奏臣感激愧悔更有何詞
可措伏念

皇上繼統以來遵守

聖祖成憲事事周詳盡善臣援引四十五年之例實係一時愚昧就事敷辭並非別有心迹若稍有一毫私意

皇上聖明洞鑒目前即荷

開恩不即懲治將來別有敗露臣更何所逃罪伏乞聖主洪恩矜臣無知妄奏曲

賜寬宥俾竭犬馬微忱力圖仰報頂戴之私生生世世

欽定四庫全書

硃批諭旨

十三

以之矣臣謹瀝情回

奏不勝惶悚懇禱之至謹

奏

若無善策陳奏牽混支吾如何其可

硃批諭旨卷六十二

欽定四庫全書

硃批諭旨卷六十三

硃批劉枬奏摺

江南安慶按察使

臣劉枬謹

奏為敬陳芻蕘之言仰祈

睿鑒事

臣於雍正六年九月二十四日到按察使任伏

念

聖恩高厚委臣刑名重任時刻冰兢惟期律例詳明刑

法平允以仰副我

皇上慎重民命之至意就臣所辦刑名案件於律例內
偶有所見以及地方有應調劑者不揣愚昧敬為
我

皇上陳之

一律例未明條款宜請分析也查律載強盜傷人
未得財比照搶奪傷人律科斷在搶奪本條內開
傷人者首斬監候為從各減一等從來讞獄俱以

造意者為首但造意止在搶奪而傷人則在臨時
或一人起意搶奪為從者俱動手傷人則為首擬
斬而傷人之犯反得減流似未平允況強盜傷人
法所難宥若照搶奪以起意為首則傷人為從者
皆得末減亦屬寬縱雍正六年十一月內部議竊
盜拒捕殺人者將臨時拒捕為首殺人之犯照例
擬斬立決其拒捕為從者照免死減等強盜例刺
字分發吉林烏喇等處給披甲之人為奴再竊盜

臨時拒捕傷人不死者將為首傷人之犯擬斬監候其為從者刺字發邊衛充軍奉

旨依議欽遵在案臣請嗣後搶奪者除殺人之犯照雍正五年二月初二日奉

旨照竊盜殺人斬決外其有數人同殺一人併殺而未

傷人

死者亦照竊盜定例將臨時拒捕之兇犯分別首

盜犯

之應正法者原不必拘定舊例曾有旨命汝

等臨

時斟酌若數人共經傷人則凡傷人之犯俱應議

亦就

臨時拒捕內分別首從斬戍其起意之人均

斬並未著有未減之條也今以搶奪傷人之律而必欲
仍照本例科斷則傷人者不得倖免而有數人共
施之於強盜何迂疎拘泥一至於此以汝如此識見又
傷人者擬一傷重者為首餘皆為從則輕重得宜
廷珍如老嫗之上司安徽刑名不可問矣奈何
而立法庶為平允如此不特搶奪傷人之律有所

遵守即強盜比照搶奪傷人之律亦可援照無誤
矣又查雍正五年十月內奉刑部議分巡杭嘉湖
道徐鼎條奏內開強竊盜犯如事主浮開贓物審
出照不應重律治罪等語於以杜浮開而免延案
法至善也第在強盜原非計贓定罪之案但一得

財即應斬決事主尚忍多開贓物以圖詐冒予以重杖夫復何辭至於竊盜則必計贓定罪往往有賊止十兩上下竊罪不過杖六十杖七十而事主

此等

浮開數兩贓物輒加以不應重罪杖八十則是失欺心詐冒盜賊之輩予以重杖何不平允之有主之罪浮於竊盜似未平允臣愚以為宜計其冒

開之數分別多寡以定其罪除冒開贓物數至滿貫者應照強盜事主冒開贓物例杖八十其餘未至滿貫應照不應輕律笞四十至於冒開數少仍

殊屬亂道

於竊盜之罪無所加者或一時查點未清錯誤多
開應從寬免其治罪又查鬪毆律內條例開載凡
審共毆下手擬絞人犯果於未結之前遇有原謀
助毆重傷之人監斃在獄與解審中途因而病故

此係者准其抵命等語則是擬絞之人固已不必緩抵
矣但擬絞之人應作何問罪律內尚未指明如謂
重而為之公則合乎情法私則偏於枉縱有何難遵守
處若為一已恐涉失出入之咎不論情罪重輕概令
罪應流若已死者為助毆重傷之人則重傷之內

畫一在汝等固可免咎殊與朕法外施仁之意相悖所
原有兩等有重傷而又執有兇器者其罪應發邊
見誤矣

衛充軍有重傷而無兇器者其罪不過餘人杖一
百夫以擬抵之人而竟減為滿杖似屬輕縱但律
未開明恐引律者或有意為輕重出入之處伏乞
皇上敕部將擬絞之人作何問罪之處開載通行則法
既畫一有所遵守不致有妄為出入者矣

一上江署事官員宜請速委也臣思上江所轄七
府七州止為江南半省宜若事簡易治而詎知委

可發一大笑

員署事較他省為獨難蓋緣督臣與撫臣相隔幾及千里府州縣官或奉

題叅革職或因事故降調舊官離任必由布政使詳請委署布政使駐劄隔省及至行文知照遴員詳請詳准之後又復行文布政使轉行委署之員每至曠官二三月署員始得到任查

欽部命盜案件各有限期雖新舊交代定例各得展限一月但或至二三月無官其中虛日無從扣算每

至枉受叅罰且徵收錢糧亦必按期完納數月無
官誰為催比積至數月之糧欲其一旦併完必至

此係
輸納不前遂成積欠臣愚以為嗣後凡有署事之
員應請督叅督委撫叅撫委或有丁憂事故屬員
公之
督撫如鄂爾泰田文鏡等斷未有令地方曠官數
月拘
泥成例而不急籌委署之理欲令安政使隨詳請
督撫即一面徑行署員限日赴任一面行知布政
亦何
須更改成例但另用督撫則該省一切事較他省
轉易
矣

便伏祈

聖明鑒察上江地方形勢俯准格外變通

敕諭速委則員缺不致久懸而刑名錢糧俱得無誤矣
一徽寧年遠世僕宜請開豁也安慶撫臣魏廷珍

欽遵

上諭飭查徽州府伴僮寧國府世僕開豁為良議覆一
疏於雍正六年二月內經部議覆奉

旨依議欽遵在案自奉文以來凡及身現有文契之為
僕與附居佃田之非僕俱各遵行無違惟有年代

久遠文契失落分別養與不養一條爭端不
已紛紛訐訟臣查告爭世僕之案多有自故明以
來歷年一二百載歷人一二十世其丁口每至盈
十累百祇因一二人受主養或執年遠無印舊
契遂致合族子子孫孫不能出頭此等之人實屬
可憫又查雍正三年二月內戶部議覆查恩哈條
奏內開旗下奴僕若果係數輩出力之人伊主念
其勤勞聽其贖身為民等語則是服役已歷數世

亦當念其勤勞放出為良臣愚以為

皇上特施寬大之典拔人污賤之中應請

敕下地方官明示曉諭嗣後凡有年代久遠自故明服

不通

處殊不勝批諭

役迄今者除現在秦養使令之僕仍前服役外其

餘無契者固不得久占為僕即有契者亦俱聽贖

為良毋許仍以世僕告爭則世僕相沿之惡習可

以革除矣至於配人婢女之為奴僕一條撫臣議

覆因貧幫土配人婢女與部議投靠招配婢女之

奴僕似屬有間夫因貧幫工者貧不能出聘銀而
以幫工議價作聘工價滿日攜婦而歸非投靠者
比謂之雇工則可若概定為奴僕則所生子孫亦
總為臬司易辨起見全不計情理之重輕觀汝乃一可
不得為良似覺冤抑臣請併將此條分別曉諭則
笑人也
良賤之分更覺井然不混矣

以上數條蓋因律例分析未明實有關於
據云律例未明不敢引斷如此則國家設立按察一官
國法之出入民命之死生不敢妄為引斷至於署員
何用耶
之速委實為上江地方之要務下逮徽寧二府世

覽此

僕又臣目覩其爭端不忍坐視是以妄抒管見冒
摺所奏豈止短淺陋劣而已

昧數陳但臣識見短淺語言陋劣恐不能有當於

萬一伏乞

皇上睿鑒施行謹

奏

通篇悉屬乖謬之詞

浙江按察使臣劉杓謹

奏為敬據愚鄙微忱仰祈

睿鑒事竊臣於安慶按察使任內恭奏敬陳芻蕘一摺
欽奉

硃批臣跪讀之下仰蒙

皇上指出種種悖謬之處臣始知昏昧妄瀆俯伏汗流
惟日夕惶恐待罪乃荷

聖主弘慈不加重譴旋調補浙江按察使聞

命自天感激涕零臣向聞浙江難治恭請叩覲

天顏跪聆

聖訓未蒙

俞允心切靡寧及抵任以來見士民守法闔省命案亦不甚多聚衆生事惡風頗息地方安靜與臣向日所聞各異臣謏劣庸才惟有益加奮勉勤慎辦事竭盡犬馬之微忱少圖報效於萬一耳所有前奉硃批奏摺理合恭繳謹

奏

今汝在浙得知李衛之居心行事當勉力效法之

署理江南江寧布政司印務按察使臣劉枬謹

奏為奏明事臣以庸愚荷蒙

天恩由候補之員授以知府洊陞按察使歷任以來才
力不逮乃蒙

皇上不加擯斥畀署安徽布政使事聞

命之下益深儆惕竊念藩司為錢糧總匯非臣衰憊之

人所能辦理而署司噶爾泰陞任三庫侍郎責任
重大臣又不敢稽延時日遵即星馳就道於七月

初三日到任面同噶爾泰將庫貯正雜錢糧逐一彈允先出收明印結交噶爾泰赴任復將存倉米石照數盤量查核明白於交代限內將各項銀米備造冊結申送督撫二臣公同會盤保

題外查雜項錢糧內有應解部并給領給還之項亦有交存日久無項可歸應充公用之款歷任布政使遇有地方公事俱於此內查款動用其耗米隨正交收為存倉預備折耗之用前後交代歷未達

部臣已經逐款查清不敢絲毫隱漏嗣後凡有給領支放及辦理地方公事詳請督撫方行動用所有銀米細款逐一另開清摺恭呈

御覽謹

奏

覽

此係例應具題事件何必多一番煩瀆

署理江南江寧布政司印務按察使臣劉枬謹

奏為滙陳下情仰祈

睿鑒事竊臣於浙江按察使任內奉到署理布政司之
恩旨聞

命之下感激難名益深祇懼誠以藩司為錢糧總滙事
繁責重臣智識短淺難肩鉅任即欲懇辭因念三
庫事務

皇上特命前署司臣噶爾泰專管更屬緊要應令速行
赴任臣是以星赴江寧接明交代以便噶爾泰起

程赴京茲臣實有下情不敢不

奏更不得不

奏者臣今年六十二歲雖年非遲暮但臣生質本弱
未老先衰年來上齒脫落飯食頓減舊有足疾向
年不過一二次舉發藥餌調劑尚易痊可今歲自
四月至今足疾糾纏步履不便此江浙兩省官民
所共見共知者且藩司衙門財賦出入關係非輕
承流宣化責任綦重以臣老病昏愚倘智力不周

稍有錯誤在臣自有應得之罪獨是上負

朝廷如天之大德下隆祖父累世之家聲罹茲咎戾
追悔已遲此臣之下情不敢不

奏不得不

奏者也臣謹披瀝愚忱上瀆

天聽叩祈

皇上念臣衰老將安藩要缺另

簡賢能更替並請或內或外調臣一缺俾臣力量可以

欽定四庫全書

硃批諭旨

卷六十三

十二

辦理者臣得勉竭駑駘斷不敢自求退閒辜

天恩而負

聖德也臣曷勝恐懼待

命之至謹

奏

覽奏已悉且勉力供職靜候諭旨

署理江南江寧布政司印務臣劉枬謹

奏為奏請

睿鑒事竊臣蒙

皇上天恩調署安藩綆短汲長日夜兢兢於交代清查
事畢乃得周察地方訪聞所屬城垣坍塌甚多隨
經行查現據各屬紛紛回報其已經估計工料者
有二十四處內臨淮縣偏近淮水修城兼須修壩
甚為緊要統計各屬已估有二十八萬餘兩之多
其餘或詳稱工程浩大現在估詳或尚未經覆到
工繁用鉅所費不貲宜從前之不能修葺也除現

在飛催俟各屬覆齊再委賢員確勘確估外惟是責之有司捐修則各屬養廉之銀僅足以敷幕友薪水之用勢難責其成功如動藩庫公項則江寧藩庫所存公項無多如用正項錢糧關係軍

國正供未敢擅動臣朝夕思維計無所出已陸續據文詳報督撫二臣批司委議在無米之炊固乏良謀而城衛重務又難緩置竊查南省存貯李玉堂入官銀兩已奉提解四川為修城之用今江寧臬

司現有寄存江寧藩庫崔二李煦二案正贓并傾
銷折耗水脚各等費通共雜色銀一十萬九千四
百六十九兩零與李玉堂入官之銀相同可否先
將此項查明極衝之地發為修城之用其餘不足
者請

敕督撫查議或酌量於江南省常平倉彙報各屬等事
例捐納穀石之外有情願捐銀者准其在修城地
方折交銀兩以濟工用如此則錢糧不致虧耗城

工不難報成固金湯而垂永久於

國於民均有裨益矣為此具摺謹

奏

此奏識見迂謬議論不通處不可枚舉難以逐行批駁也

太常寺卿署理江南江寧布政司印務臣劉枬謹
奏為

奏請截留漕米改徵穀石紓民力以裕倉儲事竊查

江南地方上年偶被水災荷蒙

皇上天恩發帑發粟疊沛恩施又

敕動常平倉穀概行賑濟其轉徙就食之民仍動支存
公銀兩資送回籍被賑窮黎固已歡聲雷動普天
臣庶無不感激涕零但臣查安徽各屬積貯本屬
無多被災最甚之州縣一經動用即至顆粒無存
現在與督撫二臣斟酌買穀以收儲備之效恭讀
前奉

上諭以京通各倉積粟充盈足支五年之用

密令各省督撫將漕糧徵收本折情形變通酌議仰見
睿慮周詳督撫二臣轉行密議臣業將漕米折徵時價
給丁銀米逐一定議請自雍正九年為始以六分
起運四分改折壬子癸丑二年以七分起運三分
改折停運三年以後仍請照常輪運密詳督撫二
臣聽候核

奏在案臣今再四思維前項採買穀石莫若變通酌

濟將雍正九年額辦漕糧照依改折之議一米二
穀於江蘇各屬截留漕米三十萬石改徵穀六十
萬石安徽各屬截留漕米二十萬石改徵穀四十
萬石量地制宜斟酌存撥如該州縣原貯無多及
動用已完之處則將所徵穀石分別添貯如原係
徵收折色地方則將鄰縣留漕穀石就近撥貯其
壬子癸丑二年仍照前議改折庶百姓省費工折
耗之費有司免採買輓運之煩各屬收儲備充盈

之益似與

國計民生稍有裨益是否有當統候

皇上睿鑒施行謹

奏

停漕一事尚未定議候旨遵行

太常寺卿署理江南江寧布政司印務臣劉枬謹
奏為

奏明事竊臣於雍正八年七月初三日抵江寧布政

使任自到任至今計催完康熙五十七年至雍正
八年地丁米豆屯衛折蘆課錢糧六十二萬六千
四百三十八兩零又催完雍正九年丁地等欸錢
糧二十七萬九千一百三十八兩零俱經按月冊
報督撫查核又臣經手動放採買餘剩節省共銀
七千二百一十三兩零相應循例

奏明解部充公抑臣竊有請者安徽各屬向來倉穀
無多而上年被災州縣疊奉

恩旨賑恤倉穀動用所存無幾臣現在另摺

奏請留漕易穀如蒙

聖慈俯允則於各屬原存倉穀之外酌量加貯其中廢
座缺少者自應估計添建以收廣貯之益查各屬
建倉案內原經議動歷年提解節禮銀兩但恐各
屬一時並建費有不敷敢請

皇上天恩准將此項節省贏餘銀兩准留司庫通融動
放如節禮一欸足敷建倉之費則將此銀留充本

省公用統於耗羨冊內另款達部報銷伏乞

皇上睿鑒施行謹

奏

所請留漕易穀之處行否尚在未定何乃遽及建倉耶
前項銀兩仍循舊例解部為是

殊批諭旨卷六十三

欽定四庫全書

硃批諭旨卷六十四

硃批李蘭奏摺

護理江西巡撫印務布政使

臣李蘭謹

奏為恭謝

天恩事雍正六年九月初二日接到怡親王等字一封
內開雍正六年八月初三日奉

上諭各省藩臬有准其具摺奏事者亦有本人未曾奏

請具摺朕遂未曾降旨者今思藩臬乃地方大員應准其各就所聞見具摺陳奏且即此可以觀其居心辦事爾等可寄信與江西布政使李蘭伊若有陳奏事件初次具摺差人交門上奏事人轉奏嗣後從何處轉奏朕再降諭旨可也欽此遵

旨寄信前來等因到臣隨恭設香案望

闕叩頭謝

恩訖伏念臣一介庸愚荷蒙

聖恩擢任江西布政使才薄任重毫無報稱今蒙

皇上天恩准臣摺奏臣之居心辦事皆得仰邀

天鑒臣之所聞所見皆得上達

聖聰臣何人斯膺此

曠典惟有矢竭愚誠據實敷陳以圖仰報於萬一除將

陳

奏事件另摺具

奏外理合恭摺叩謝

天恩謹

奏

摺奏一事若能秉公慎密上下兩益之舉否則不但非
汝之福亦大為朕之累不必考之往古即就目前利害
而論尤為顯然易見勉之密之嗣後奏摺交怡親王轉
奏

所奏交代限期一摺留中

護理江西巡撫印務布政使

臣

李蘭謹

奏為恭報各屬雨暘米價仰祈

睿鑒事竊江西省今年早稻因梅雨稀少陂塘不敷灌

溉幸賴

皇上福庇六月中旬連得大雨通省早稻收成約計共
有七八分之數所有高安等七縣先經報旱者仍
有六縣勘不成災俱經前撫

臣布蘭泰

題報在案七月二十三十九等日各屬又得甘霖
晚禾亦皆秀發但自七月下旬至今雨澤仍復稀

少今查據南昌臨江撫州廣信饒州南康九江七
府屬於八月二十五日始報得雨霑足瑞州袁州
吉安建昌四府屬於八月十六十九二十等日始
報得雨霑足贛州南安二府屬於八月十九二十
兩日始報得有大雨二府氣候較暖得雨雖遲秋
成尚屬可望其餘各府惟瀕江近湖之處收成可
得七八分不等山田多有泉水灌溉亦可望有收
其平原曠野之田陂塘無可蓄注今歲秋收未免

歟薄如吉安之永豐縣饒州之安仁縣俱已報旱
現在委員確勘一面據實具

奏一面設法賑恤斷不敢怠忽隱匿有負

皇上軫念民依之至意又查各屬米糧市價每石自九
錢至一兩及一兩二三四錢不等較之往年未為
昂貴緣江省農功全以早稻為重晚稻不過十之
三四其餘多種雜糧雨澤雖遲約計通省收成尚
稱中稔除各屬晚稻分數容俟報齊彙

奏外合將江省雨暘情形米糧市價繕摺奏

聞謹

奏

今歲江西收成為最下雖由布蘭泰不職之所致汝亦難辭其責當敬誠省過毋負朕恩莫移初志若將左袒科甲陋習滌除不淨於地方上之惡紳劣衿有所瞻顧以沽買虛譽則裴率度張楷之前車可鑒噬臍無及也恐至臨期未必有能為汝排難解紛者凡事惟求諸已

為上策勉為之

護理江西巡撫印務布政使

臣

李蘭謹

奏為奏明事竊江西民風向稱質樸恭逢

聖澤涵濡羣黎徧德耕鑿俱恬惟山鄉之民性愚易惑
遇有武斷鄉曲之徒良民輒被愚弄甚至鼓衆抗
官目無法紀必須痛加懲治始能去稂莠以殖嘉
禾如六月中萬安縣改建民舍一案事關棍徒聚
衆目今正在審擬俟定招具

題之日請將首犯封文達陳聖達等即行正法其餘
黨犯重加懲治庶刁風或可稍戢又據寧都縣詳
稱該縣有武舉李紹廣生監李瀛洲李含英等抗
糧毆差唆衆罷市均屬頑梗不法臣現在嚴查咨
革從重究擬此等案件於吏治民風士習大有關
繫臣才識短淺不能化導於事先斷不敢徇縱於
事後合併據實

奏明伏乞

皇上睿鑒謹

奏

地方上此等刁風萬不可縱亟當盡法懲處

江西布政使

臣

李蘭謹

奏為恭謝

聖訓事竊

臣蒙

皇上特恩准

臣

摺奏遵

旨於雍正六年九月內具奏恭謝

天恩一摺同日又具奏江西省雨暘米價一摺俱奉到

硃批

臣

跪讀

訓旨不勝感激悚惶伏念

臣

一介庸愚蒙

皇上天高地厚之恩勉

臣

以公忠誠

臣

以慎密

天語諄諄明切

指示臣惟有益加兢業以目前利害為炯戒斷不敢一

念瞻徇一字疎漏稍負我

皇上提撕警覺之深恩至江西省素為產米之鄉今歲

收成實係最下

聖明洞鑒無遠不周

臣

忝荷地方重任不能承宣

聖德感名

天和

臣

罪實無可逭茲蒙

皇上洪恩不加重譴

諭以敬誠省過之道整飭地方之法

臣

惟洗心滌慮痛

除積習凡事求諸一己絕去瞻顧沽譽之私以期

上報

國恩於萬一所有微臣 欽奉

訓旨感激愧勵愚忱理合繕摺恭謝

天恩謹

奏

據奏自欲痛改積習甚好當凜遵朕訓實心奉行

江西布政使臣 李蘭謹

奏為奏明賑糶緣由仰祈

聖鑒事竊江西省今歲收成臣 於九月間業經彙

詳署撫臣繕摺恭

奏所有原報晚禾被旱饒州府屬之安仁縣已經確

勘詳

題籲請

天恩

臣仰體

聖心先令該縣將社穀聽民出借仍一面詳明署撫臣
動發節備倉穀四千石委員協同散賑務令均沾
實惠以廣

皇仁再吉安府屬之永豐縣雖勘不成災未便

題報但細查其中間有山鄉窮民引領待哺者臣亦

經詳動節備倉穀二千石散賑在案其餘各縣收

成凡有歛薄之處臣現在設法撫恤但目今雖不

至於乏食而米價總未能平減將來青黃不接之

時恐致市價更昂臣隨詳請署撫臣借動庫銀三

萬兩赴隣省採買米石以備平糶之需奉批將潯

贛兩關平餘零稅銀九千九百餘兩先委幹員採

買并令探明各處時價到日再酌量借動二萬兩
陸續買備臣於十月下旬已委員往安慶一路購
買將來陸續採運庶可有備無虞且令商販聞知
不敢囤積市價自不致驟增矣為此繕摺

奏明伏乞

聖鑒謹

奏

盡力督率屬員為之務令小民得沾實惠不得苟且塞

責已有旨截留漕糧十萬石矣汝等酌量料理可也

江西布政使臣李蘭謹

奏為奏明事竊查贛州府知府施士罔居官頗能辦
施士罔甚屬可惜之員當令其加意調理
事可勝大郡之任但該員素患腿瘡艱於步履近

日體漸羸弱十月中旬據稱痢瀉不痊詳請解任

調治經署撫臣批飭加意調理一面照例委員驗

看去後緣贛屬距省窩遠尚未據委員驗覆復聞

該府病體增劇不能理事臣隨稟請署撫臣委令

贛縣知縣劉鎬就近護理在案伏查定例官員告病必俟驗結

題報之後方請委員署理今贛州一府界連閩粵地衝事繁實係要缺若必俟

題報之後方行委員誠恐時日稽遲或致貽誤地方
臣是以不揣冒昧先請委護理合繕摺

奏明謹

奏

先請委員署理甚是但就近護理一語朕殊不取惟當
審度人地相宜何論遠近劉鎬果能勝任否至施士罔
病證若一時不能速愈此缺甚為緊要可與撫臣商酌
於通省屬員內或行陞補抑或調補詳細議定預為奏
聞

江西布政使臣李蘭謹

奏為奏明各屬存庫軍器年久銹爛仰祈

聖鑒事竊江西各屬舊日存庫軍器自康熙十四年及

二十二等年陸續交下有裁兵餘剩者有投誠
繳納者有臨陣收獲者當日各鎮協移交冊內已
註明銹爛字樣嗣後承平日久置之不用雍正三
年奉部行查各屬軍器前撫臣裴率度將合營現
用者造冊咨覆而各屬存貯軍器未曾造報亦未
據聲明臣查此項軍器冊貯存營者不過十分之
三所有南昌等一十九處府州縣庫貯之鐵棉盔
甲弓箭火礮鳥鎗腰刀以及各項刀鎗器械旗纛

帳房鞍韉插袋等物所存之數約估工費需銀七八萬兩向來府縣不過於交代接受之際報明朽爛而上司亦不過批飭修整從未見有一處報修者迄今四五十年軍裝俱已朽蠹卽鐵器亦銹爛不堪若復因循是徒有存貯之名並無軍器之實矣臣思器物原有堅脆不等如旗纛帳房鞍韉弓弛箭桿以及盔甲中綿布原非經久不敝之物年深朽爛事有可原至於鐵器雖銹而鐵質猶存如

有缺少即係典守不慎自應責令歷任地方官及該管上司照數賠補今各屬槩稱朽爛且冊註無存其中恐有捏飾臣現在詳明署撫臣委員會同各府確估清查俟各屬覆到之日彙冊詳咨送部查核應作何立法賠補聽部奏請

睿裁

臣

因軍器關繫重大理合據實

奏明謹

奏

所奏甚是秉公備細查明報部候旨遵行

江西布政使臣李蘭謹

奏為恭報雨雪霑足仰祈

睿鑒事竊江西省雍正六年夏秋雨澤稀少上厯

聖懷臣負過省愆無日不深惶悚入冬以來晚稻雖已

登場田疇尚需滋潤麥苗菜種望雪頗殷仰賴我

朕深朕深厭此種虛文汝等撫藩大吏若不肯秉公持正實

皇上洪福十二月初二日得雪五寸十五十六兩日得

心任心任獎善懲姦除莠殖良以整飭地方和輯兵民而

雪一尺有餘據南昌等各府屬先後俱報同時得

惟朕

之洪福是賴朕之洪福從何而來耶如布蘭泰嚴

刻卑

鄰致令地方官民有乖和氣此即朕福不洪矣徒

言仰

賴洪福可乎似此不經浮詞向後不必

日起至十九日止得雪一尺二寸二十四及二十

六七等日得雪三寸自此以後天氣晴暖萬象昭

蘇農民踴躍歡呼共樂春澤優渥此皆我

皇上仁心仁政至誠感格之所致也臣職任地方事切

民依理合繕摺奏

聞伏乞

睿鑒謹

奏

地方上甫獲雨雪應時之慶切勿肆志惟當克誠克敬以靜俟

天恩迨秋成後方可言其必也去年春初朕亦經覽汝等如此之奏何益之有

江西布政使臣李蘭謹

奏為恭報平糶緣由仰祈

聖鑒事竊江西省去年收成偶歉米價未平荷蒙

聖主軫念民依截留漕米十萬石又蒙

恩准動帑買米三萬石以備平糶

聖謀遠慮無非欲江省百姓無艱食之虞

臣等安敢不

仰體

聖心實力奉行致負我

皇上愛養元元之至意伏查江省各屬米價目今未盡
昂貴如南昌等府屬每米一石不過九錢四五分

或一兩五六分至一兩一錢不等惟瑞州府屬之上高縣撫州府屬之東鄉臨川金谿崇仁等縣每石一兩一二錢不等又南安贛州二府屬每石或一兩一二錢或一兩三四錢不等臣與署撫臣再三商酌凡米價止九錢四五分者原不為昂貴無庸減糶價止一兩五六分及一兩一錢者猶屬中價俟其青黃不接之時酌量發糶若上高已撥發二千石東鄉已撥發三千石臨川金谿崇仁已各

撥發一千石并飭令糶完之日請領至南安贛州
去省寫遠領運需時南安已撥發一萬石贛州已
撥發二萬石如有不敷仍令通融濟糶其平糶價
值飭令各該府遵照部平每石八錢五分定價申
報臣與署撫臣仍不時嚴查督率并委賢員監糶
不使姦商衙蠹囤販侵漁務令小民均沾實惠以
仰副我

皇上軫念民依之至意理合繕摺

奏明伏乞

皇上睿鑒謹

奏

據奏不令劣員及姦商衙蠹舞弊侵漁言之殊易行之甚難須殫心竭力費一番精神料理庶幾有效非一二張空文告條即能令小民均沾實惠者汝等如何行事朕自能周悉不在此奏也勉力為之

江西布政使

臣

李蘭謹

奏為請定寄莊定糧之法以便催科事竊查江西省
錢糧每年奏報未完項下核其欠戶固不乏本籍
民人而寄莊田糧積欠尤甚緣江省建昌廣信等
府屬多有閩浙民人置買田地寄莊辦糧者每因
遠在隔省輸納不前移提追比稽延時日州縣雖
殫力催科究慮鞭長莫及臣伏思任土作貢原無
此疆彼界之分里戶隔省辦糧亦不過取給於租
息之內應請嗣後凡寄莊田地令開明頃畝額賦

佃人姓名租穀數目造冊存案每年開徵之際仍
先向本戶按限催徵俟將屆秋成核其完欠分數
將未完錢糧令該佃按數扣租代業戶輸足以清
國課仍填給本戶納糧印票令佃人與業戶自行抵
算額租庶寄莊錢糧皆得歲內清完而州縣催科
亦無鞭長莫及之患矣臣職司錢穀督催責重現
在議詳撫臣咨商隣省理合奏

聞謹

奏

汝與撫臣張坦麟詳細商酌而行可也

江西布政使

臣

李蘭謹

奏為遵

旨奏

聞事竊臣前奏委署贛州府印務一摺欽奉

硃批正與署撫臣商酌間正月二十日奉准部文內開

奉

旨張景蒼著以江西贛州府知府試用贛州府員缺緊要令該撫酌量或即將張景蒼補授抑或於通省知府內揀選調補所遺員缺令張景蒼補授等因欽此查張景蒼向曾莅任江西實係才具優長之員但其操守尚須就近不時體察臣與署撫臣商酌謹擬有臨江府知府高選齡人品端方才猷敏練瑞州府知府史隨老成勤慎才守兼優均堪調補贛郡俟張景蒼到江之日臣與署撫臣於臨江瑞州

二守內酌定一員具

題調補贛郡所遺府缺即將張景蒼遵
如此慎重甚好題到之日有旨
旨補授謹先繕摺奏

聞再照贛縣知縣劉鎬原因辦事有才經臣稟請署撫
臣就近委護府印惟是臣愚昧無知不將劉鎬勝
任之處於摺內

奏明僅以就近護理一語上瀆

宸聰致煩

聖懷厯念罪實難逭伏乞

聖慈寬宥臣不勝惶恐戰慄之至合併陳明謹

奏

所奏知道了

江西布政使臣李蘭謹

奏為奏明酌提耗羨以均養廉以濟公用事竊查江
西省公用養廉自雍正五年於通省錢糧加一耗
羨之內分款派提原議公用銀三萬餘兩實不敷

用而道府同知道判各官養廉惟照所屬額賦提
派未免豐嗇不均今

臣

與署撫臣備細商酌將通

省一應起存地丁本折漕屯兵折驛站蘆課茶果
等款正雜錢糧通盤酌算就各州縣耗羨之多寡
定為五等提解除額徵一萬兩以下縣分所有耗
羨留為養廉不提外其額徵二萬兩以下者每兩
提耗羨銀五分留五分為養廉額徵三萬兩以下
者每兩提耗羨銀六分留四分為養廉額徵四萬

兩以下者每兩提耗羨銀六分五釐留三分五釐
為養廉額徵五萬兩以下者每兩提耗羨銀七分
留三分為養廉額徵五萬兩以上者每兩提耗羨
銀七分五釐留二分五釐為養廉統計各款共提
解司庫耗羨銀十二萬八千六百五十餘兩又照
舊提解漕米一分耗銀七千六百四十餘兩又京
餉飯銀除支解外約餘銀五千兩又查出各衙門
鹽規銀四千六百三十三兩以上共實提解司庫

銀一十四萬五千九百二十餘兩內除督撫藩司
書役工食紙張火藥表箋等項銀六千三十六兩
又臬司糧驛二道奏銷解費押運赴淮公用等銀
八千七百三十三兩督撫司道及知府同知通判
勻給養廉銀共七萬二千九百七十六兩又首領
佐雜等官除解餉額有水脚其餘一應差遣應留
盤費銀二千兩又南新二縣附省事繁共存給公
用銀八百兩實餘銀五萬五千三百八十餘兩以

充通省公務及春秋二餉解費地丁奏銷并顏料
銅觔木植水脚塘餉報資料場等項之用雖額提
耗羨歲內不能全完而遞年通融新舊接濟一切
公用養廉可無不敷不均之患矣臣識見淺陋未
能合宜謹將均派養廉分繕酌提酌存二單恭呈
御覽伏乞

皇上指示遵行謹

奏

凡如此等奏摺朕不過一覽而已從不批是當與否總在汝等撫藩大吏秉公合宜不欺不隱為之須還朕一當字而已能令後來者遵循不易不留瑕隙致被指摘檢點則可保無貽害於身家也倘料理少不妥協或假公濟私有網利徇情等弊前車之戒不必遠稽往古目今六七載間之報應歷歷可鑒也秉公為之

閏酌存單內州縣養廉多寡不均處朕頗不以為然若照所派至於兩相互調時恐難免有不平物議而汝等

亦不免存高下其手之嫌也

酌提單內道員養廉似較他省太少或此外仍別有資
益處亦當據實聲明即此所辦亦不甚妥協況酌派通
省公用養廉乃應巡撫奏請之事汝不當越奏將此三
摺批諭與張坦麟看

江西布政使

臣

李蘭謹

奏為恭謝

聖訓事竊

臣

於雍正七年四月初六日奉到

硃批奏報雨雪一摺及

硃批酌定養廉三摺

臣

隨恭設香案叩頭祇領欽遵即

將養廉三摺內所奉

諭旨恭交署撫

臣

張坦麟看明聽署撫臣回

奏外伏念

臣

知識短淺見理未明承辦地方事務自

知紕繆多端然不敢稍存私念欺罔

聖明今奉

諭旨訓誡諄諄

臣

跪誦之下感激涕零惶恐無地寢食

寤寐念茲在茲雖自分爲劣惟有殫心奮勉事事
矢公矢慎不敢稍涉虛詐以仰副

誥誡深仁於萬一耳所有微臣祇遵

聖訓并感激愚忱理合恭摺

奏謝謹

奏

當務實力奉行若少涉保身獨善瞻徇沽譽鑽營託庇
之私不必遠尋鑒戒近觀諸本省之裴率度張楷陳安

策孫蘭必等皆榜樣也惟有秉公持正竭力報國剛方孤介任勞任怨乃保身之良方餘無二策可仿效田文鏡鄂爾泰李衛毅然行去庶免遺憾勉之慎之

江西布政使臣李蘭謹

奏為請嚴餉鞘之防衛飭禁護兵之騷擾以重錢糧以安民生事竊查定例解官領解餉銀由官塘大路按站行走夜宿州縣交明地方官差委官弁兵役防護沿途營汛撥兵護送法已周密但各省至

京站路有由州縣經過之處亦有與州縣間隔止
由腰站經過之處其間由州縣之路固可夜宿城
中交明地方官照例防護自無意外之虞其有不
由州縣之腰站郵亭旅店既無堅壁深壘驛吏汎
防亦復兵役寥寥以四通八達之孤村投寓巨萬
餉鞘實為可慮臣愚以為宜請

敕下各省督撫轉飭地方官查明凡係餉鞘經宿之腰
站酌動公項銀兩於人居稠密處所建設庫房三

間厚其牆垣堅其門戶前後左右緊列柵欄餉到則交貯庫中令解官解役護送兵丁坐守於內外則鎖閉柵欄汎兵更夫巡邏達旦庶防範周密餉鞘可保萬全至於護鞘官兵原由沿途營汎接遞撥送但文武衙門本無統轄解官徵員更加藐視臣聞每有不肖官兵藉護送之名於經宿旅店任意騷擾似宜急請嚴禁懇

敕直省督撫轉飭地方文武官弁嚴行禁約凡護餉兵

役俱令解官稽察約束如有違犯許解官詳移該
管衙門并申報督撫拘提究革倘解官遁同徇隱
一經發覺立即

題叅議處庶兵役知儆小民免累矣臣愚昧瀆陳是
否有當伏乞

皇上睿鑒施行謹

奏

此奏是候交部議覆有旨

江西布政使臣李蘭謹

奏為奏

聞事竊

臣

蒙署撫臣牌准戶部咨開奉

旨著臣動公帑銀四千兩親往大庾南康二縣被水地

方悉心查勘分別輕重逐戶賞給等因轉行到臣欽

奉

間所奏之言為何

此伏查大庾一邑

山圍水繞地勢低窪今因驟雨

此方見朕之前諭不謬

水泛田廬人口間遭淹溺沿及下流之南康縣亦

未職無狀所致固不必言朕亦難辭其咎况女等守土

受水患此皆臣不能承流宣化奉職無狀之所致

之官邸
跪領

恩旨感愧交集遵於七月十二日前往二縣遍歷鄉村
逐戶親查至閏七月初八日查畢欽遵

諭旨分別原被水之輕重科算

帑金於十一二十三等日均勻賞給被淤田地已
多開復禾苗俱各茂盛水衝房屋亦多修整間有
未復未修者皆感沐

皇恩現在開復修整臣見窮簷蔀屋實被

朕實愧覽之不知汝等具何禮面皮也
聖恩樂利盈寧各安本業歡呼載道共歌浩蕩之

皇仁感激抒誠永戴生成之

帝德矣除據紳士兵民陳情額
可謂焦頭爛額之功臣視民如傷之賢司矣
謝并將賑過緣由造冊分詳署撫臣

題報外理合將遵

旨查勘及散賑事宜恭摺奏

聞謹

奏

覽

江西布政使臣李蘭謹

奏為

聖恩之教育彌深微臣之負罪莫追恭伸謝悃仰祈

聖鑒事竊臣於雍正七年九月十五日奉到

硃批恭謝

聖訓并大庾等縣散賑二摺隨恭設香案望

闕叩頭祇領訖臣跪誦

恩綸不勝惶悚戰慄汗流浹背誠有無地自容者伏念
臣以一介庸愚受我

皇上天高地厚之恩由小翰林而擢至藩司每逢奏摺
俱蒙

聖慈諄諄誥誡

教育鴻仁有加無已臣非草木自應恪遵

聖訓隨事體驗隨時省察上為

朝廷宣德化下為百姓計安全方於臣職無虧奈臣知

識謫劣雖日凜冰兢恒多隕越以致地方災祲上
厓

宸衷

臣罪大孽深即萬死何足蔽辜乃

皇上不加嚴譴復頒

恩諭多方教誡

命臣以潔已之良方示臣以免過之法則此誠我

皇上格外生成之至德臣惟加意奮勵一秉至公痛除

沽譽瞻徇之習力求改過遷善之道凡存心行政

宣力效忠欽遵

皇上指示一以田文鏡鄂爾泰李衛諸公正大臣為效
法必不敢以學識才力之不如甘自暴棄致負我
皇上衿全玉成之大德也所有感激私忱理合恭摺奏
謝伏乞

聖鑒謹

奏

功名事已經結局今此代攝為期不過數月倘又致咎

誤頻聞則關係身家性命矣慎為之

硃批諭旨卷六十四